

Hafnarbraut 15 Sjóhús, eigandi Guðröður Jónsson.
 — 23 Pakkhús, eigandi Jón Karlsson.
 — 25 Pakkhús, eigandi Jón Karlsson.
 — 27 sjóhús, eigandi Sveinn Magnússon.
 — 29 Skúr, eigandi Jón Karlsson.
 — 31 Pakkhús, eigandi Jóhann Eyjólfsson.
 — 33 Skúr, eigandi Jón Þórðarson.
 — 35 Sjóhús, eigandi Ársæll Júlíusson.
 — 39 Sjóhús, eigandi Hafbjörg hf.
 — 51 Sjóhús (2), eigendur Þorbergur og Þórður Sveinssynir.
 — 54 Gamla-Tröllanes, eigendur Hrafnkell hf. og Elías Kristjánsson.

Nesgata 2 Sjóhús, eigandi Björn Ingvarsson.
 — 8 Atlahús og Kornvöruhús, eigandi Verzlun Sigfúsar Sveinssonar.
 — 8A Bryggjuhús, eigandi Verzlun Sigfúsar Sveinssonar.

Strandgata 3 Sjóhús, eigandi Ármann Magnússon.
 — 5 Glaðheimar, eigandi Ármann Magnússon.
 — 7 Skúr, eigandi Jósef Halldórsson.
 — 13 Sjóhús, eigandi Stefán Höskuldsson.
 — 15 Sjóhús, eigandi Ólafur Guðmundsson,
 — 17 Nýhöfn, eigandi Guðmundur Bjarnason.
 — 21 Sjóhús, eigandi Gísli Bergsveinsson.
 — 35 Sjóhús, eigandi Jakob Jakobsson.

Sverristún 1 Fjárhús og hlaða, eigandi Haraldur Brynjólfsson.
 — 3 Hlaða, eigandi Guðni Einarsson.

Piljuvellir 3 Gripahús, eigandi Guðni Einarsson.

Þórshólsgata 5 Laufás, eigendur Einar Bjarnason og Hermann Davíðsson.

Samþykkt þessi, sem bæjarstjórn Neskaupstaðar hefur gert samkvæmt lögum nr. 22 23. júní 1932, öðlast þegar gildi og gildir í 5 ár frá dagsetningardegi hennar að telja og birtist til eftirbreytni öllum þeim, sem hlut eiga að máli.

Félagsmálaráðuneytið, 18. febrúar 1963.

F. h. r.

Hjálmar Vilhjálmsson.

Hallgrímur Dalberg.

REGLUGERÐ

um róðrartíma fiskibáta við Faxaflóa.

1. gr.

Reglugerð þessi gildir fyrir Miðneshrepp, Keflavík og Njarðvíkur- og Vatnsleysustrandarhreppa í Gullbringusýslu, Hafnarfjörð, Reykjavík og Akranes, og nær til allra fiskibáta, sem stunda veiðar með línu á tímabilinu frá 1. janúar til 31. maí, sbr. þó 8. gr.

2. gr.

Grein þessi fjallar um róðrartíma fiskibáta úr Sandgerði, Keflavík, Njarðvíkur- og Vatnsleysustrandarhreppum í Gullbringusýslu, Hafnarfirði, Reykjavík og Akra-

nesi á mið sunnan línu, sem hugsast dregin milli Garðskagavita og 64° 17'8 n.br. og 23° 18'0 v.lg.

Á tímabili því, sem um ræðir í 1. gr., má enginn bátur frá Sandgerði, Keflavík, Njarðvíkum, Vatnsleysuströnd, Hafnarfirði, Reykjavík eða Akranesi fara í fiskiróður frá kl. 12 á hádegi til þess tíma, er hér segir:

Í janúar	kl. 02.00
Í febrúar	— 01.00
Frá 1. marz til 15. marz	— 24.00
Frá 16. marz til 31. marz	— 23.00
Frá 1. apríl til 15. apríl	— 22.00
Frá 16. apríl til 30. apríl	— 21.00
Í maí	— 20.00

Brottfararstaður báta þeirra, sem hér um ræðir, skal vera við línu, er hugsast dregin frá Sandgerðisvita 2.0 sjóm. út eftir hvíta ljósgeiranum og þaðan í norður í 64° 07'0 n.br. og 22° 47'5 v.lg.

Þegar hinn tilsetti tími er kominn, skulu nefndarmenn, sem kjörnir eru samkvæmt 5. gr. reglugerðarinnar, annast um, að merki sé gefið.

3. gr.

Grein þessi fjallar um róðrartíma fiskibáta frá Akranesi, Reykjavík og Hafnarfirði á mið norðan línu, sem hugsast dregin milli Garðskagavita og 64° 17'8 n.br. og 23° 18'0 v.lgd.

Á tímabili því, sem um ræðir í 1. gr., má enginn bátur, sem gengur til veiða frá Akranesi, Reykjavík og Hafnarfirði, fara í fiskiróður frá kl. 12 á hádegi til þess tíma er hér segir:

Í janúar	kl. 01.05
Í febrúar	— 00.05
Frá 1. marz til 15. marz	— 23.05
Frá 16. marz til 31. marz	— 22.05
Frá 1. apríl til 15. apríl	— 21.05
Frá 16. apríl til 30. apríl	— 20.05

Brottfararstaður báta þeirra, sem hér um ræðir, skal vera við ljósdufl nr. 9, sem lagt hefur verið eins og hér segir:

64° 14'5 n.b.
22° 18'1 v.lg.

Ljóseinkenni: Hvítur þríblossi á 25 sek. bili.

4. gr.

Allar tímaákvarðanir í reglugerð þessari miðast við íslenzkan meðaltíma.

5. gr.

Hlutaðeigandi hreppsnefndir eða bæjarstjórnir kjósa þrjá eða fimm bátaformenn ár hvert í nefnd til þess að gæta þess, að fylgt sé ákvæðum reglugerðar þessarar, og annast nefndarmenn um að fyrirskipuð merki um róðrartíma séu gefin, sbr. þó 6. gr., og kæra fyrir brot á reglugerðinni til lögreglustjóra.

6. gr.

Akurnesingar skulu gefa brottfararmerki í Norðurflóa.

7. gr.

Ákvæði reglugerðar þessarar ná ekki til útilegubáta.

8. gr.

Brot gegn ákvæðum reglugerðar þessarar varða sektum frá kr. 500.00 til kr. 5000.00. Þriðja brot varðar missi réttinda til skipstjórnar í 6 mánuði. Mál út af brotum skulu sæta meðferð opinberra mála.

9. gr.

Reglugerð þessi öðlast gildi þegar í stað.

Reglugerð þessi staðfestist hér með samkvæmt lögum nr. 1 12. janúar 1945, um róðrartíma fiskibáta. Jafnframt er úr gildi felld reglugerð nr. 20 13. febrúar 1953 um róðrartíma fiskibáta við Faxaflóa, svo og reglugerð nr. 6 17. febrúar 1956, um breytingu á þeirri reglugerð.

Sjávarútvegsmálaráðuneytið, 21. febrúar 1963.

Emil Jónsson.

Gunnlaugur E. Briem.

AUGLÝSING

um verndun fiskimiða fyrir veiði með þorskanetjum.

1. gr.

Skipum með 10 manna áhöfn skal óheimilt að eiga fleiri net í sjó en 90. Sé áhöfn 11 menn, skulu net ekki vera fleiri en 105.

2. gr.

Frá upphafi vetrarvertíðar til 20. marz ár hvert, skal óheimilt að leggja þorskanet á svæði, sem takmarkast af eftirgreindum línum:

1. Að suðaustan af línu, sem hugsast dregin misvísandi suðvestur að vestri frá Reykjanesvita.
2. Að norðaustan af línu, sem hugsast dregin misvísandi norðvestur að norðri frá Reykjanesvita.
3. Að norðvestan af línu, sem hugsast dregin misvísandi vestur að suðri frá Garðskagavita.
4. Til hafs takmarkast svæðið sjálfkrafa af 12 mílna fiskveiðimörkunum.

3. gr.

Brot gegn ákvæðum reglugerðar þessarar varða sektum.

Reglugerð þessi er sett samkvæmt heimild í 1. gr. laga nr. 44 5. apríl 1948, um vísindalega verndun fiskimiða landgrunnnsins, til að öðlast gildi þegar í stað, og birtist til eftirbreytni öllum, sem hlut eiga að máli.

Sjávarútvegsmálaráðuneytið, 5. febrúar 1963.

Emil Jónsson.

Gunnlaugur E. Briem.